

## REGULAMIN IV BIEGU PO MOCZKA I MAKOWKI

### KAMRACKI BIEG WIGILIJNY Z LUXTORPEDOM

#### 1. Po jakiego pierona mamy lotać:

- coby wiyncy ludzi lotało,
- chcemy pokazać jak piykanie je w Czerwionce – Leszczynach i na okolicznych hołdach
- Luxtorpeda też się chce pokazać
- no i żeby spolić trocha sadła przed Wilijom i Świyntami

#### 2. Kto go robi

Bieg robi dlo Wos Stowarzyszyni Grupa Biegowo LUXTORPEDA (taki gibki cug) ze Czerwionki

#### 3. Kaj i kiedy

Szartujymy i kończymy we Szkole Podstawowej w Stanowicach na Szkolnej 7, gynał w same połednie w ostatnio sobota przed Wilijom.

#### 4. Trasa

Do przelecynio je 10 km (tak na oko) po drogach, chodnikach i drogach polnych po Stanowicach. Bez przikopy lotać nie bydziecie ale za rowno też nie bydzie. Dejcie se pozór, bo może być ślizgawica i zumiynta, cobyście se krzywdy przed Świyntami nie zrobili!! Łoński rok śniegu nie było ale latoś może go trocha nasuć.

#### 5. Jako to bydzie

Łod 10:00 do 11:15 możecie się zapisywać

Jak piźnie połednie – szartujymy

14:00 – kończymy i fertig

#### 6. Kto może lecieć

Każdy, obojyntnie czy Hanys czy Gorol, jak mo 18 lot, zapisoł się i je na liście startowej no i zapłacył za start. Trza też pokazać kartka łod doctora, że się je zdrowym i nie dostanie się hercszlagu, no chyba, że sami podpiszecie taki oświadczyni, kere bydzie leżało w Biurze Zawodów.

Koždy musi przisć do Biura Zawodów osobiście i musi się tam wylegitymować, coby my wiedzieli, że łon to je łon a nie jaki Kynijczyk za niego przisoł i chce wygrać.

#### 7. Zgłoszynia

Mogecie się zgłoszać (Hanysy i Gorole tak samo) bez internet (<http://gbluxtorpeda.org/zapisy/>) do 11 grudnia 2015, chyba, że pryndzy miejsca się skończom (momy ich 225), jak bydom jeszcze wolne miejsca to w Biurze Zawodów. No i pamiyntejcje, że na lista bydziecie dopiero wpisani jak nom kasa przelejecie.

#### 8. Wiela to kosztuje

W sumie to prawie za darmo je – yno 20 złotych jak zapłacie do 11 grudnia na nasze konto. Potym yno bydzie szło zapłacić w Biurze Zawodów ale to już cztery dyszki kosztuje (to chyba

lepszy przyndzy się zapisać i zapłacić i mieć te dwie dychy w kapsie – zawsze na jaki maskety bydzie).

Jak kto chce rachunek to niech do nom znać.

Płacie na nasze konto a w tytule opłaty podowocie: Bieg po moczka, swoji miano i rok urodzynio.

#### **9. Nagrody i gyszynki**

- dlo piyrszych chopów i babek bydom piykne puchary i jeszcze piykniejsze dyplomy z podpisym Prezesa,
- każdy dostanie gryfny medal zrobiony chyba zaś przez Pyjtra,
- tak jak i łośki rok po biegu bydziecie mogli se pojeść moczki i makówek (yno nie za dużo, bo każdy se chce skosztować!!). Jakby jaki Gorole chciały na ni przepis to bydom se mogli wzionść.
- bydzie ciepły tyj,
- bydzie też geszynk dlo najfajnij przebleczonego,
- inne geszynki mono bydom a mono ni.
- Bieg je jednym z biegów Grand Prix Czerwionki – Leszczyn w biegach długodystansowych a skuli tego, że to je ostatni bieg, to na koniec nojlepsi dostanom gyszynki

#### **10. i pora rzeczy na som koniec**

- jak bydzie fest zima, abo padać abo nawet chyc 40 stopni to i tak lecymy,
- jak se zrobicie jaki ała to my za to nie odpowiadomy, jak chcecie to sami się musicie ubezpieczyć,
- dejcie se pozór na auta na trasie!!
- jak weźniecie numer startowy to znaczy, że zgodzocie się z regulaminym,
- regulamin my napisali i mogomy go zmiyniać jak nom się podobo,
- jakbyście chcieli wiedzieć coś wiyncy to wszystko bydzie na naszej stronie
- mogomy Wom cykać fotki i filmować wiela yno chcymy,
- <http://gbluxtorpeda.org/category/bieg-swiateczny/> i naszym fejsbuku, mogecie też do nas pisać meile z pytaniami [luxtorpeda.czerwionka@gmail.com](mailto:luxtorpeda.czerwionka@gmail.com) (yno nie zatkejcie skrzinki).

Czekomy na Wos!!